



SLUŽBENE NOVINE

KANTONA SARAJEVO

Godina XVI – Broj 19

Četvrtak, 21. Jula 2011. godine
SARAJEVO

ISSN 1512-7052

Na osnovu člana 18. stav (1) tačka b) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01 i 28/04) i člana 27. stav (2) Zakona o zaštiti i spašavanju ljudi i materijalnih dobara od prirodnih i drugih nesreća ("Službene novine Federacije BiH", br. 39/03, 22/06 i 43/10), Skupština Kantona Sarajevo, na sjednici održanoj 21. jula 2011. godine, donijela je

ZAKON

O IZMJENAMA I DOPUNAMA ZAKONA

O NADLEŽNOSTIMA ORGANA VLASTI KANTONA SARAJEVO U OBLASTI ZAŠTITE I SPAŠAVANJA LJUDI I MATERIJALNIH DOBARA OD PRIRODNIH I DRUGIH NESREĆA

Član 1.

U Zakonu o nadležnostima organa vlasti Kantona Sarajevo u oblasti zaštite i spašavanja ljudi i materijalnih dobara od prirodnih i drugih nesreća („Službene novine Kantona Sarajevo“, broj 39/08), u članu 1. iza broja „39/03“ veznik „i“ se zamjenjuje „zarezm“, a iza broja „22/06“ dodaju se veznik „i“ i broj „43/10“.

Član 2.

(1) U članu 4. tačka j) mijenja se i glasi:

„j) u slučaju kada ne postoje uslovi za organizovanje službi u pravnim licima, Vlada Kantona, na prijedlog Kantonalne uprave, može u skladu sa Procjenom ugroženosti osnovati samostalne službe zaštite i spašavanja za potrebe Kantona;“.

(2) U istom članu u tački k) iza riječi „specijalizovane“ brišu se „crtica“ i riječ „interventne“, a iza tačke k) dodaje se nova tačka l) koja glasi:

„l) odlučuje o vrsti i količinama robnih rezervi potrebnih za zaštitu i spašavanje, na prijedlog Kantonalne uprave;“

(3) Dosadašnja tačka l) postaje tačka m).

Član 3.

(1) U članu 6. stav (2) iza tačke m) dodaju se nove tač. n) i o), koje glase:

„n) predlaže vrste i količine robnih rezervi potrebnih za zaštitu i spašavanje;

o) vodi jedinstvenu bazu podataka o snagama zaštite i spašavanja u općinama i Kantonu i o svim vrstama prirodnih i drugih nesreća na području Kantona;”

(2) Dosadašnja tačka n) postaje tačka p).

Član 4.

U članu 18. stav (1) iza riječi „osnivaju se operativni centri civilne zaštite“ dodaje se broj „112“.

Član 5.

U članu 22. broj „121“ zamjenjuje se brojem „112“.

Član 6.

Ovaj Zakon stupa na snagu osmog dana od dana objavljivanja u „Službenim novinama Kantona Sarajevo“.

Broj: 01-02-22457/11
21.jula.2011.godine
Sarajevo

Predsjedavajuća
Skupštine Kantona Sarajevo
Prof. dr. Mirjana Malić, s. r.